



**Juris Canonici Theoria Et Praxis, Ad Forum Tam
Sacramentale quàm contentiosum, tum Ecclesiasticum,
tum Seculare**

Cabassut, Jean

Lugduni, 1698

IX. Conditiones aliquot, ut quis de Beneficio provideatur, requisitæ
discutiuntur.

[urn:nbn:de:hbz:466:1-62355](#)

IV. Sunt pariter alii primarii Rectores sub se habentes Parochiales Ecclesiæ & Vicarios, quorum origo fuit ex necessitate auxilii & succursus Ecclesiæ Matricis, multitudini & distantia plebis sufficere non valenti; quæ fuit occasio novæ ædificandæ Ecclesiæ, & Vicarii in ea constituendi. Sicque Matricis Ecclesiæ Rector titulo insignitur Primarii, seu Prioris Rectoris, respectu geminarum quibus præfet Ecclesiarum, Matricis & Filiae. Istius generis Rector vocatur in Jure Plebanus. Est enim Plebania Ecclesia Parochialis, ex qua dependent eidem subjecta Capellæ, ac minores Ecclesiæ, in quibus Vicarii sive ad tempus, sive perpetui constituantur, cap. 1. ne Cler. vel Monac. in 6. Atque utriusque Priorum generi competit ut plurimum tanquam Patronis honorariis jus præsentandi ad subditarum sibi Ecclesiarum Vicariatus.

V. Tria ergo in Jure legimus Priorum seu Superiorum Rectorum genera, quibus Parochiales Ecclesiæ subjiciuntur. Primum est Regulare, qui curam animarum non per se, sed per Vicarios exercent Seculares. Secundum est habentium Dignitates, aut Præbendas, quibus unitæ sunt Ecclesiæ Parochiales. Tertium est Plebanorum qui Matricibus Ecclesiæ præficiuntur. Hi omnes jus habent præcedendi in subditis Ecclesiæ Vicariis in eisdem constitutos; non tamen habent jus ministrandi intra illas, hoc enim solis competit Vicariis. His tribus Prioratum generibus aliquando competit juspatoratus ad subjectos Vicariatus, aliquando minimè. Quibus vero comperat vel non comperat ut dignosci possit, consulendi sunt fundationum tituli quid innuant, aut quidnam particularis consuetudo ferat.



C A P U T I X.

Conditiones aliquot, ut quis de Beneficio providetur, requisita discutiuntur.

- I. **E**X COMMUNICATO quacumque majori excommunicatione neque conferre, neque recipere licet ullum Ecclesiasticum Beneficium; ejusque eleætio, præsentatio, institutio & collatio prorsus invalida est, cap. *Postulatis*, de Cler. excom. minist. Quo etiam capite scienter tali conferens à collatione Beneficiorum suspenditur, ut in eo puniatur in quo peccavit. Suspensi quoque neque eligere possunt, neque eligi, can. *Nos in hominem*, 9. q. 1. cap. *Cum dilectus*, de consuetud. & cap. *Cum inter R.* &c cap. *Per inquisitionem*, de election. & cap. *Pastoralis*, §. *Verum*, de appellat. cap. *Cum bona*, de ætat. & qualit. ordin.

ordin. Atque etiam haec locum habent in excommunicationibus occultis & toleratis. Veruntamen si excommunicatio vel suspensio posterior sit electione, præsentatione, collatione, non inducit Beneficij vacationem, decif. Rota 195. in novis. Gomesius tract. Expectativarum, num. 60. Covaruvias in cap. Alma mater, 1. p. §. 7. num. 4. not. 11. Bonacina de excommunicatione disp. 2. q. 2. punct. 4. num. 9. Idem tradunt Canonistaræ, Felinus in cap. Institutum, de simon. Panormitanus in cap. Cum Clerici, num. 2. de paclis, Ugolinus de simon. tab. 1. cap. 19. & Gallicani Jurisconsulti Gregorius Tolosanus instit. benef. cap. 26. num. 2. Papo tom. 1. Notariorum, lib. 2. pag. 90. Pastor lib. 3. de benef. tit. 18. n. 17. Bengeus de simon. in Benef. num. 43. Aded ut caput Ex literis, de excel. Praelat. eum qui dum Beneficium possideret homicidii voluntarii factus est reus, simulque irregularis, non judicet esse ipso facto depositum, sed Judicis sententiâ esse deponendum. Singulas censurarum species infrâ lib. 4. discutiam.

II. Illegitimè nati Beneficiorum incapaces regulariter existunt; defectus quippe natalium irregularitatem inducit, cap. 1. & cap. ult. de fil. Presbyt. cap. Cum in cunctis, de electione. Concilium Trident. sess. 22. de reform. cap. 20. juxta prohibitionem Deuteronom. 23. Non ingredietur manus, hoc est de scerto natus, Ecclesiam Domini. Ab ista irregularitate solus Papa dispensat ad omnes Ordines, & universa Beneficia; sed potest Episcopus dispensare ad primam Tonsuram, & ad minores Ordines, necnon ad Beneficium simplex: nullatenus verò ad sacros Ordines, vel ad curatum Beneficium, cap. 1. de fil. Presbyt. in 6. Dubitat tamen Pastor, an valeat in Francia ista Episcopi dispensatio, lib. 3. de Benefic. tit. 25. num. 6. hac sola ductus ratione, quia Bonifacius VIII. hoc constituit, cuius nomen Francis invisum est & odiosum. Veruntamen istam valere in Francia dispensationem, hujuscce Regni Doctores indubitanter affirmant, quemadmodum & alias plerasque celebres Bonifacii VIII. Constitutiones. Ita Deselva Regius in Parlamento Parisiensi Advocatus de Beneficiis p. 3. quæst. 16. Rebuffus in praxi, p. 2. tit de dispensatione circa natalia, num. 8. & seqq. Charondas lib. 10. responsorum, cap. 7. Despeilleus tract. de beneficiis, tit. 3. num. 86. aliquie Gallicani Jurisconsulti.

III. Sed hoc unum disputant, an ista Episcopalis circa defectum natalium dispensatio locum habeat in Præbendis & Personatibus, non quidem Ecclesiasticorum Collegiarum, in quibus supponunt valere, sed Cathedralium. Et in his quoque valere affirmant non modò exteri Doctores Archidiaconus, Oldradus, Jason; sed etiam Gallicanus Joannes Deselva loco citato. Negat autem valere Rebuffus loc. cit. num. 10. & 11. citaque pro sua sententia Decisiones Rotæ, & antiquam Glossam Pragmaticæ Sanctionis.

IV. Neque ipsis quidem legitimis filiis possunt conferri Beneficia immediate anteab ipsorum patribus possessa, cap. Moyse, & cap. Apostolica,

lica, 8. quæst. i. & cap. Ad exsirpandas, & cap. Dilectus, de fil. Presbyter. ne videantur successivæ, atque ita intra familias hæreditarie Præbenda: solusque Papa potest contra jus istud dispensare, cap. Dilicti, cod. tit. Jam quæritur de nepotibus, an possint in Beneficium ab avo possidere succedere? Glossa in dicto cap. Apostolica, tradit illam de filiis prohibitio- nem protendi quoque ad nepotes, ne avorum Beneficia possideant. Idemque altera docet Glossa in cap. Ad exsirpandas, vers. Filii Presbyterorum, de fil. Presbyter. His suffragatur lex Liberorum, & lex Iusta, de verbis signif. quibus filiorum nomine comprehendi pariter nepotes decernitur. Id est Rebiffus in praxi, tract. de dispensat, super defectu natal. num. 25. & 26. excludit absoluē nepotes, sicut & filios ab ejusmodi avorum beneficiis: citatque ad id confirmandum nonnullos Canonistas, atque sententiam rejicit quorundam nepotes admittentium, dummodo inter avum & nepotem vivat superstes pater: quæ tamen opinio fulcitur per §. Sui autem, Institut. de heredum qualit. & differ. ubi deciditur nepotes non censi- feri nomine suorum hæredum respectu avi, quandiu vivit intermedius pater. Quam etiam circa Beneficia avita opinionem tuerit Glossa in can. i. dist. 56. & Pastor lib. 3. tit. 26. num. 3. Cæterum Rebiffus huic oppositum propugnat non modò in praxi, sed etiam in tract. de pacifice. posse. num. 277. quo loco multa profert ad hoc firmandum Curiarum Regni Supremarum Jūdicia.

V. Severior est Juris dispositio contra illegitimos quam erga legitimos Sacerdotum filios; filiis enim legitimis interdicunt sola immediata in paternum Beneficium successio: at vero illegitimis prohibetur insuper qualcumque tenere Beneficium in eadem Ecclesia, in qua patres ipsorum aliud Beneficium habent. Adquod ut dispensatio generalis illegitimorum circa Beneficia non sufficiat, nisi specialem etiam à Summo Pontifice habeant ad hoc, ut possint tenere Beneficium in eadem Ecclesia, in qua ipsorum patres aliud Beneficium possident. Quæ tamen res permititur à Jure com- muni liberis legitimis, cap. Ad hæc, de fil. Presbyt. Quin etiam Concilium Trident. sess. 25. cap. 15. de reform. arcit illegitimos non modò ab Ecclesiis in quibus patres corum sunt de alio quopiam Beneficio provisi, sed etiam in quibus aliquod Beneficium patres haberint aliquando, quanvis de præ- senti nullum in ea habeant: nec illos in eisdem Ecclesiis quoquo modo ministrare permittit, ut paternæ incontinentiae memoria à locis Deo sacris longissimè arceatur.

VI. Si pater resignet suum Beneficium coram Papa in favorem filii sui legitimi, & hanc reciprocam patris & filii qualitatem in sua supplicatione exprimat, illius resignationis acceptatio habetur pro dispensatione, quia Papa de hoc præmonitus, sciensque nihilominus contulit: quemadmodum in Jure Civili dominus servum instituendo hæredem manumit- tere creditur, Institut. quibus ex causis manumit. §. 2. Ita judicatum fuit in Magno

Magno Regio Confilio in causa Blainorum patris & filii, cui Papa præmonitus de hac respectiva qualitate, ut ex supplicatione scripta constabat, de paterno Beneficio providerat post resignationem in favorem. Pastor lib.3. tit.26. n.1.

VII. Licet Jus prohibeat filium immediate in Beneficium paternum succedere, permittit tamen ex adverso, ut filio pater immediate in idem Beneficium succedat. Rebuffus in praxi, p.2. tit. de dispensat. Super defectu natal. num. 29. Farinacius decif. p. 4. cap. 128. Despeisœus d. tit. 3. n. 84. tum quia nullibi hoc à Jure prohibetur; tum quia non præsumitur abusio aut inordinatus affectus, si turbato nature ordine pater liberis succedat, cùm sit contra commune parentum votum, l. Scripto, §. Non sic, D. unde liberi, l. Nam eis, D. de inoffic. testam. l. Julianus, §. Denique, D. si quis omis. caus. testam.

VIII. Atatis defectus reddit invalidum Beneficii collationem. In primis quod attinet ad Episcopatum, Synodus Neocæsarensis, can. 11. & Synodus Agathensis allegata in can. Episcopus, dist. 77. præterea cap. In veteri, & cap. Cùm in cunctis, de electione. prohibit ordinari Episcopum ante trigeminum atatis annum. Quinimum Justiniani novella 123. cap. 13. & 22. & Authent. Presbyterum, C. de Episcop. & Cler. edicit Episcopatum conferri non debere ante trigesimumquintum annum atatis. Sed in Regno Gallie sufficit ad Episcopatum inchoatus annus atatis vigesimus septimus, juxta Concordatum, tit. de Regia ad Prælaturas nominatione, §. In monasteriis, & Edictum Blesense Henrici III. art. 2. & ejusdem aliud Edictum mensis Januarii anni 1580. art. 12. Quoad vero Abbates sufficit annus vigesimusquintus, d. cap. Cùm in cunctis, de electione. Garcia p. 7. cap. 4. num. 41. Quæ omnia de anno inchoato intelligenda sunt. Rebuffus in Concord. loc. cit. §. 1. verb. Constitutum. In Dignitatibus, Personatibus, & Parochialibus Beneficiis annus vigesimusquintus inchoatus exigitur, d. cap. Cùm in cunctis: idemque statuitur in Prioratibus Claustralibus habentibus curam annexam. Clement. Ne in agro, §. ult. de statu monach. Ubi tamen cura per Vicarium exercetur, sufficiat ad Prioratum Claustralem annus vigesimus, ex d. Clementina, §. Ceterum. Attamen in Regno Gallie in quibuscumque Prioratibus electivis, etiam si curam habeant annexam, annus vigesimus-tertius inceptus sufficit, juxta Concord. tit. de Regia ad Prælaturas nominat. §. In monasteriis, Rebuffus ibid. Et in Dignitatibus & Personatibus, quibus non incumbit animarum cura, sufficit annus vigesimus-secundus, ex Concilio Tridentino sess. 24. de reform. cap. 12. quod est pariter de anno incepto interpretandum, quanvis dicat Concilium, Non minores viginti duobus annis. Est enim receptum axioma in Jure, annum ceptum haberi in hono us pro completo. Et in Parochialibus Ecclesiis Jus antiquum servatur ut est, ut non conferantur ante vigesimumquintum annum inchoatum, nisi

v per

per Vicarium cura exerceatur, quo casu annus sufficit decimusquartus.

X. In Beneficiis simplicibus; ut sunt Capellaniæ, sufficit septenium, non quidem incepsum (ut in magis honorificis Beneficiis paulò ante dictum est,) sed requiritur omnino completum, ut in Capellaniis, aliisque vulgo diëis, *Ad simplicem Tonsuram*, ut sunt quidam Prioratus ut vocant Rurales, qui nullatenus sonant in nomen Rectoria. Deselva 3. p. de benefic. quæst. 5. Rebuffus de pacif. posses. num. 175. Bengeus tit. de divis. benef. §. 29. num. 6. & 7. At verò in Beneficiis simplicibus, quæ in nomen Rectoria sonant, atas requiritur annorum quatuordecim completorum: non enim censentur impuberis capaces curæ & obligationis, qua ex exercitio talium Præbendarum adnctit, cap. *Indecorum*, de ætat. & qualit. ordin. & cap. *Super inordinata*, de præbend. In Canonicatibus Collegiarum Ecclesiarum requiritur & sufficit non quidem inchoatum, sed completum decennium. At in Canonicatibus Ecclesiarum Cathedralium & Metropolitanarum, annus est necessarius decimusquartus pariter completus, juxta Regulam Cancellarie 17. Deselva loco cit. Rebuffus de pacif. posses. num. 178. etiam si Ecclesia Parochialis per Vicarium exerceri solita Canonicatu sit unita. Rebuffus in praxi, p. 2. tit. de dispensat. ratione æt. num. 2. Garcia de benefic. p. 12. cap. 2. num. 24. Et Bengeus loc. cit. §. 26. num. 49. simulque Louetus litera E, cap. 1. multa memorant Gallicana Senatusconsulta, per qua declaratæ fuere irritæ collationes Præbendarum Cathedralium impuberibus factæ. Hinc tamen excipiuntur collationes Regia in Regalia Sede Cathedrali vacante factæ in gratiam impuberum ad Canonicatus etiam Cathedralium Ecclesiarum, dummodò septimum atatis annum compleverint, ut superius docui hujusc libri cap. 4. num. 8. At verò extra Gallia Regnum Jus commune viget, neque attenditur ad ullum acquirendum simplex Beneficium atas five septem, five decem annorum; sed juxta Tridentinum Decretum sell. 23. cap. 6. de reform. nullus ante decimumquartum atatis annum crita Pontificis dispensationem potest Beneficium obtinere.

XI. Ex defectu Graduum quædam occurunt ad Beneficia incapacitates. Atque in Galliæ Regno prohibetur esse Parochus oppidi murati quipquis vel Graduatus non est, vel Artium Magister, vel Ialem qui triennium studii non compleverit, vel Theologæ, vel Juris Canonici in aliqua Universitate. Concord. tit. de collationibus, §. *Statuimus*. Idemque statuit circa omnes Cathedralium Ecclesiarum Dignitates, & circa saltem primarias Collegiarum Dignitates, Edicto Henrici IV. anni 1606. art. 31. Ad Præbendam Theologalem, non tamen ad Praeceptoriam exigitur Gradus Doctoris in Theologia, ex Edicto Aurelianensi Caroli IX. art. 8. & Blesensi Henrici III. art. 33.

XII. Pleraque alias incapacitatum species, five ob censuras, five ob irregularitates, & quibus casibus incurvantur, requirito inferius lib. 4.

XIII. Alterans

XII. Alteram quoque ad Beneficium incapacitatem parit defectus Ordinis requisiti , sive ex præscripto Canonum , sive ex Statuto , sive ex Beneficii particulati fundatione : qua de re vide inferius hujusc lib.2. cap.19. quo diversi modi vacationis Beneficiorum discutiuntur , num.8. 9. & 10.



C A P U T X.

De Insinuationibus.

I. IGET Edicta referre insinuationem omnium ad Beneficia Ecclesiastica quoquo modo pertinentium fieri jubentia , ut scilicet in tabularia Episcopatum , in quibus illa Beneficia sita sunt , referantur : procurations nimurum ad resignandum , sive coram Papa , sive apud Ordinarios ; præsentationes quoque Patronorum , concordata partium ; pensionum sive constitutiones , sive extinctiones , Datarum attestations , signatures , examina , professiones fidei , collationes Præbendarum , ac literas beneficiales , acta missionis in possessionem , & quascumque Beneficiarias provisiones . His adde literas Tonsuræ , singulorumque Ordinum , literalque Vicariatus , vel Officialitatis , præsertim potestatem Beneficiorum collativam . Item fundationes , sive inter vivos , sive per ultimas voluntates , & alia pleraque cum diversis temporum ad singula horum insinuanda prefixorum designationibus , quæ continentur perplexis illis & quæstuaris Edictis ad legendas Clericorum pecunias procusis ab Henrico II. mense Martio 1553. & à Ludovico XIV. anno 1646. art.6. Quibus etiam sub nullitatis pena statuitur , ut procurations ad resignandum insinuentur antequam ad Papam , ad Legatum , aut Ordinarium referantur .

II. Si verò post mandatum , priusquam admissa fuerit à quocumque Collatore resignatio , ipse resignans revocet , debet hanc revocationem re adhuc integrā , vel procuratori , vel resignatario , vel collatori significare : aliqui resignatione semel admissa ob justam revocationis ignorantiam , resignator pristino suo Beneficio excidit , ut statuitur Clement. unica , de renunciationibus .

III. Insinuandum porrò est apud Notarium Regium illius dicēcēsis in qua situm est Beneficium , ad diligentiam provisi , aut illius procuratoris speciale mandatum habentis , intra tempus illo anni 1553. Edicto præstitutum . Literæ quidem Beneficiales , signaturæ ad Beneficia , vel ad pensiones , quæ in Romana Curia expediuntur , & concordata inter partes conventa , itemque Decreta Apostolica , quibus pensio vel constituitur , vel extinguitur : mandata quoque quæ procuratori fiant ad resignandum

V 2 vel